


日本詩歸紀

七八



			二六五六一號	和書門類
六册	九架	四函		

二四函	二六五六一號	和書
三架	六册	

詩集

内閣文庫	
番號	和 26562
冊數	6 (4)
函號	204 324

共六本





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





日本詩紀卷之七

淺草文庫

上毛河世寧子靜彙編

仙臺源知周仲旋同校

良岑安世桓武天皇之少子賜姓良岑才兼文武妙解音律官右大將大納言

九月九日侍宴神泉苑各賦一物得秋蓮應製

以下二首
見凌雲

神泉御苑霜氛下靈沼秋蓮過半黃露泛穿杯拙生

玉風吹舊服復無香波收隱士三秋蓋浦落幽人九

月裳妖艷佳人望已斷為因聖主水亭傍

早秋月夜

三秋三五夜夜久夜風涼蟲網露懸白樹條葉未黃

奉和王昭君以下四首見秀麗

虜地何遼遠關山不忍行魂情還漢闕形影向胡場
怨逐邊風起愁因塞路長願為孤飛雁歲歲一南翔

奉和河陽十詠

五夜月

客子無眠投五夜正逢山頂孤明月一省團鏡羈情
斷定識閨中憶不歇

山亭聽琴

山客琴聲何處奏松蘿院裏月明時一聞燒尾手下
響三峽流泉坐上知

賦得季札

所謂吳季札芳名冠古今交賢情若舊常讓義逾深
晏子終納邑孫文不聽琴還將一寶劍空報徐君心

奉和聖製聞右軍曹貞忠入道見照以下七首見經國

效忠非獨兵攔士護國之誠法門人丹闕上書已罷
職經壇落髮不關塵九重城裏回頭望一乘車前專

竟臻服色就真道體改冠痕未滅半額□秋嵐晚偈
對黃葉曉月疎鐘在白雲行道雖偏深蘿處懸心獨
是為明君

別男子出家入山

我有一兒子塵煩不可侵天縱成道器童齒拔禪心
新負經王帙初諳梵字音野縫青葛衲□□綠蘿襟
杖錫巖苔上提瓶澗水潄苦行何處所雪嶺白雲深
登延曆寺并澄和尚像

溟海占杯路天台轉法輪芳蹤踞冠國應化不畱身

道與乾坤遠基將日月均鑪煙猶似昔形像正疑真
定室苔封砌禪房雲是鄰登舉春黛裏拜頂暮鐘辰

暇日閑居

暇日除煩想春風讀楚辭簷閑啼鳥換門掩世人稀
初筭篁邊出遊絲柳外飛寥寥高枕臥庭樹落花時

途中九日

客裏三秋暮途中九日來相畱問行旅如何菊花開

病中九日飲

聞道重陽至秋中菊酒清卷簾傷暮節把盞歎頽齡

彭澤黃花味齊諧赤實馨非無登望憶唯力不堪行

奉和太上天皇青山韻

屹巘青山亘十里
巘碧嶂幾千尋
千窮蒼而獨秀
出凝積翠以常幽
深崔嵬不是閑
一簣巖鬱猶因容
衆林孔雀鳳凰翔
其頂熊羆犀象栖
其陰遊仙所樂
些逸士所說些
休古路雲格
危一道飛泉澗
石鑿風聽仙僧清
梵處煙逢溪子釣
漁泊山蕭條些
心寂寥些塵滓之
鄉去迢迢些城中
聖些空黛色有勝
地兮不識人不識
兮物外趣而我到
之何由得閣上色

映劉王汾水流龍山暗濕長年葉帶日高韜短晷暉
紫府欲迎仙駕養青天曾助鵬翼飛朝為坐嶺岬姬
氣夜作銀河織女衣富貴人間如不義華封勸我帝

鄉意

源弘 嵯峨天皇之第七子
兄弟俱賜源姓官大納言

和良將軍題瀑布下蘭若簡清大夫作 時年十五
以

下四首
見經國

傳聞蘭若無人到瀑布高流過半天湧珠飛銀分萬
壑連波灑落成一川四時每聽奔雷響遠近同看白

鵝懸此地幽閑禪誦客煩塵洗滌幾千年

問疎鐘獨報白雲間時年十六

高僧幾年養清閑病裏天花映暮山野客時來通幽

源常弘之弟官左大臣

奉和太上天皇問淨上人病時年十六

支公臥病遣居諸古寺莓苔人訪疎山客尋來若相

問自言身世浮雲虛大嘗山

源明常之弟官參議刑部卿

翫菊花篇應製時年十六

翫芳菊幾芬芬延壽時浮玉弘酒空嗟盈把外陽曛

藤原冬嗣內麻呂之子房前之曾孫識量弘雅

神泉苑雨中眺矚應製以下三首見凌雲

雨氣三秋冷涼風四面初蘆洲未低雁芳餌自群魚

岸水飛還落池荷卷且舒從天恩盞下不醉也焉如

和菅祭酒秋夜途中聞笙之什高計全古

高天日暮多秋感退食飛纓下玉京遊子吹笙乘甲

夜一長一短惱人情風生柳際傳鸞響月照槐間寫

日本寺記

卷之七

五

鳳形定識虞音從此聽
蹌蹌鳥獸滿皇城

高天奉和聖製宿舊宮應製
不王京如心如武甲

林泉舊邸久陰陰今日三秋錫
再臨宿殖高松全古

節前裁細菊吐新心荒涼應沼龍
還駐寂歷稜巖鳳

更尋不異沛中聞漢筑謳歌濫續
大風音時自尋

奉和傷野女侍中以下四首見秀麗

艷年從宦陪層秘華髮辭榮返故鄉
川月不畱殘魄

影風燈何寸煙光宮姬口實推貞素
列女傳文載

儉良聖主非常動哀感魂而有識應
慰亾

奉和河陽十詠

一入問河陽花

河陽風土饒春色一縣千家無不花
吹入江中如濯

錦亂飛機上奪文紗

故關柳

故關柝罷人煙稀古堞荒涼餘楊柳
春到尚閑舊時

色者過行客幾回久

奉和翫春雪

翫春雪春雪紛紛降九天玉貌氤氳
珊瑚殿銀花繚

繞玳瑁筵後庭粉壁三更曉上苑□□一夜然絕愧
敢和陽春曲還娛影灑南風絃

見老僧歸山應太上天皇製

老僧落葉任玄虛策杖伸腰四尅餘自語一還不更
出乞城無若臥雲居

藤原冬繼蓋與冬嗣同人嗣
繼國音相通故誤

扈從梵釋寺應製以下二首
見秀麗

一人問道登梵釋梵釋蕭然太幽閑入定老僧不出
戶隨緣童子未下山法堂寂寂煙霞外禪室寥寥松

竹間永劫津梁今自得躡塵何處更相關大中時

和武藏平録事五月訪幽人遺跡之作

幽道長無返捐身萬事睽玄書明月照白骨老猿啼
風度松門寂泉飛石室淒白雲不可見懷古獨悽悽

菅野真道其先百濟人津連山守
之子官參議常陸守

晚夏神泉苑同勒深臨陰心應製以下七首
見凌雲

王母仙園近龍宮寶殿深追涼天蹄幸縱賞鳳輿臨
竹疎長竿節松傾小蓋陰醉臣迷聖造唯有歲寒心

小野永見毛野之子官征夷
副將軍常陸介

小田家

結菴居三徑灌園養一生糟糠寧滿腹泉石但歡情
水裏松低影風前竹動聲聊輸太平祝獨守小山亭

遊寺

久倦樊籠苦來尋解晚津息心歸六度改跡仰三輪
水月非真境空花是偽春今朝乘覺路何處犯迷塵

藤原道雄

小黒麻呂之子官右大辨宮内卿

詠雪

紛紛白雪從千里熒熒灑灑一何斜疑是天中梅柳

地雨師風伯獵玄花

春日代妓

通夜羅樓獨畫眉春朝擬向歌舞臺篋裏鬱金未薰

衣聖君數度使人催

仲雄王

出自未詳官大舍人頭兼信濃守弘仁中奉勅撰文華秀麗集

早舟發

早旦扁舟發微茫海未晴浦邊孤樹遠天際片帆征
釣火收殘焰榜歌送迴聲悠悠雲水裏鄉思轉傷情

謁海上人

道者良雖衆勝會不易遇寢興思馬鳴低仰謁龍樹
一得遭吾師歸情貪寓任飛沈馴道眼動殖潤慈澍
字母弘三乘真言演四句石泉浣鉢童鑪炭煎茶孺
眺矚存閑靜棲遲忘劇務寶幢拂雲日香刹干煙霧
瓶口插時花瓷心感野羊磬鳴員梵徹鐘響老僧聚
汎覽竺乾經流觀釋子賦受持灌頂法頓入一如趣

奉和春日江亭閑望

以下十三首見秀麗

凝流派上思降蹕對紅花野甸宸衷遠川阜馭望賒
猿深雲樹峽鶴立浪痕沙古椽松蘿院春牕楊柳家

水鄉漁浦近山館鳳庭遐老圃鋤遲日商帆艤早霞
岸陰生液乳洲暖長蘆芽絢服侍臣馬垂鬟公主車
驛門臨迥陌亭子隱高葩幸賴陪天覽還同星渚查

尋良將軍華山莊將軍失期不在

君家白雲東嶺下昨對宮內暮相期平明騎歷山中
路蹋石谿行駒自遲一徑南斜門樹入孤亭松色女
蘿颺塘頭佇立不看至落日寒蟲鳴草時

蒙譴外居聊以述懷敬簡金吾將軍

儒家偏隨樽俎趣帝宅朝例不生知當年黍奉端闈

禮詰旦淹除伏奏時厚壤焦情無蹈處高穹負譴更
何祈終離節會簪纓列獨漏寰瀛雲雨施閣外空聞
歌管響階前隔見舞臺姬昏歸耻對閨中妾夜臥強
談牀上兒過重功輕心自解恩深責淺幾銘肌君門
出入雖無制外候仍言天聽卑

書懷呈王中書

邊旅十年老時明海行千里入帝城君門九重未通
籍閑臥牕樹晚鶯聲
臥病謝故人相問

臥來旬向歷門客問初通為君思倒屣衰貌不勝風

賦得漢高祖

漢祖承堯緒龍顏應晦冥豁如有大度生事未曾營
住在中陽里微班泗上亭呂公驚貴相王媪感奇靈
望氣秦皇厭尋雲呂后停徑開創漢統軍旅入咸京
撥亂資三傑膺天聚五星為江窮楚項軼道降秦嬰
命革登乾極時平戢甲兵絳侯重厚者劉氏遂安寧

和澄上人臥病述懷之作

古寺北林下高僧毛骨清天台蘿月思佛隴白雲情

院靜芭蕉色廊虛鐘梵聲臥疴如入定山鳥獨來鳴

奉和河陽十詠

江上船

晴初駐蹕馳玄覽一點孤浮江上船為虛物情不相

怨乘吹遙度浪中天

水上鷗

行宮近起清江北御覽煙鳴水刷鷗鷗聲必馴無取

意況乎玄化及飛浮

山寺鐘

古寺館東山翠下日暮噉咷響疎鐘天籟相和幽洞

谷餘音過盡白雲峰

河陽橋

別館雲林相映出門南修路有河橋上承紫宸長拱

宿下送蒼海永朝潮

述懷奉和重陽節書懷

寰中農時澇早事帝念黔首不登年強乘客摘文雅

罷却 伶人侍樂懸菊浦早花霜下發荷潭寒葉水

陰穿炎不勝德古來在况乎神衷輔自天

奉和代神泉古松傷衰歌

孤松盤屈薜蘿枝貞節苦寒霜雪知
御琴臺迴仙壚
颯入颯颯添清曲森翠宜看軒月陰還羞不材近
天臨自然色衰無它故不敢幽懷負恩顧

亦不羸肩辭國經

蔬肩肉赤凝脂白登俎更待庖丁手鑿刀磨石刃如
霜坐客看之相嚼久鹽梅初和人爭喫口飽情閑何
欲有君不見漢家一壯士拔劍寧辭一杯酒

古賀陽豐年出自未詳為平城天皇侍讀官播磨守乾天蘇卧叶幽風

三月三日侍宴應詔以下十三首見凌雲

錫宴紫微中皇歡被物忽布恩優月令分思徼春風
柳葉依絲綠櫻花拂舞紅同茲霑德寓具醉也融融

三月三日侍宴應詔三首

問春開曲水乘節施陽煦獻壽千祥溢含歡萬國附
煙霞處處飛花鳥番番遇殊冀高遊日羲和總轡駐

其二

紫禁疏佳詔青陽樂禊風布帷分柳綠襲佩挺蘭紅
品彙春芳徧早高夏豫通自然相率舞何得后瓊工

品重其三
襍賞千斯歲恩榮一伴春露晞心已肅雲上慶還申
松竹同宜古鶯花併狀新歡餘良景暮日御借烏輪
晚夏神泉苑釣臺同勒深臨陰心應製
神泉苑裏多雄勝槿觀飛鷺倒水深玉樹長惟跨帝
圃珠流瀑布寫天臨千端赫承春渙百品着池仰
夏陰今日優遊何所樂群臣同有釣漁心
番別故人
一茲悲阻百百里愧斑條交臂分張切涉江別望遙

風途飛縈散雲路別魂銷唯有流天月相憶寄秋霄
三樂同元忠初春宴紀千牛池亭之作

以我麓疎性閑齋喜遇逢貞交符水石深寄契寒松
酒湛情彌暢琴幽賓自從還慙久會日倏已令雍容
別諸友入唐

數君為國器萬里涉長流奮翼鵬天眇軒髻鯤海悠
登山眉自結臨水淚何收但此遷天處空見白雲浮
史記竟宴賦得太史公自序傳

宏材承五百博瞻叙三千茅穴遺文借梧嶷古冊全

屈中天慶起識大日官傳張輔稱孤秀旦明耻獨賢
 名高良史籍身毀妬臣羊義覬懸聲價爰言凌谷遷
 登代琴詞詞本氣神外郎對野天風望長白
 託根方據險抽幹已臨危奔潘春秋壞衝殿歲月吹
 時人誰復說仙匠幸先知願載重輪響高飛九寓垂
 所對逸人辭之也自到聖恩又會古刻已令
 閑庭幽貞士休廬潔既攸明心高翫晚秋但想榮期
 三樂趣還從汗漫九垓遊平出亭之對
 高士吟言

一室何堪掃九州豈足步寄言燕雀徒寧知鴻鵠路
 傷野將軍言

蝦夷構亂久揮將屬名賢屈指馳三畧揚眉出二權
 鸞頭勳未展馬革志方宣完士何難遇徒悲凶問傳
 奉和庭梅以下五首

宮裏一梅樹寒花尚入春風涼徒苦節日暖獨當仁
 封雪猶餘彩拾霞未斂新竟逢攀折興輕散舞儲茵
 賦挑應令平城天皇

武陵仙萼本芬芬南國容華未足云門徑無歸維隱

士成蹊有託彼將軍風翻麗影遙揚馥露點鮮光更
起文如值上林移植會垂蔭萬畝穡青雲

東宮歲除應令前

忽景方凋節窮陰復斂年雪停群嶺皓風緊衆林穿
壯齒隨霄變衰容逐曉悛遙山今日賞錫命百憂蠲

詠櫻

早華春稍杪櫻樹乃舒榮獨抱後時歎還開竹節英
風前香自遠日下色逾明試賦臨年萼仙齡幾箇迎

詠禁苑鷹生雛

峻嶺增巢鳥生雛禁苑中低昂留聖矚神俊徂祥風
理翮情方盛回眸氣不窮願栖仙閣下將助魯臣忠

林娑婆武內之後或大伴室
屋之後位正五位下

自山崎乘江赴讚岐在難波江口述懷贈野二

即以下二首

泛流催楫棹指海共朝宗漁火通宵烈商帆拂曙逢
遙山疑接漢遠樹似生江可歎乘桴客營營不得容

久在外国晚年歸學知舊零落已無其人聊以

述懷簡山請益菅原五郎桃李之報豈無懷

晚年歸學館舊識幾相辭物是人非日悲來樂去時
忘筌無故友傾蓋有新期欲說平生事居然淚不持

賦挑應令見經國

千歲一花聞舊史三春坐彩照今年紅華媚日紅逾
煥錦色須霞錦更鮮秦客迷源長不返漢兒延壽幾
要仙欲知此樹成蹊德真顛芬芳自可憐

上毛野頴人豐城命之後
官民部太輔

春日歸田直疏見凌雲

千祿終無驗歸田入弊門庭荒唯壁立籬失獨花存

空手饑方至低頭日已昏世途如此苦何處遇春恩

奉和代美人殿前夜合之什見秀麗

久厭幽谿何處託朝家假貸御擗傍即今自入仙園
裏已後春恩任聖皇

和滕朝臣春日過前尚書秋公歸病之作以下二首

見經國

未及懸車乞骸骨明皇恩寵帶平章近江大有鱸魚
膾定識休閑壽命長

春庭友人見過

春氣不嫌人席門花自新雖異陳平德欣驚長者塵

謝靈運林閑善命身初朝... 未及... 皇以... 草... 大... 魚

... 皇以... 草... 大... 魚

... 皇以... 草... 大... 魚

... 皇以... 草... 大... 魚

... 皇以... 草... 大... 魚

... 皇以... 草... 大... 魚

... 皇以... 草... 大... 魚

日本詩紀卷之七

日本詩紀卷之八

... 皇以... 草... 大... 魚

... 皇以... 草... 大... 魚

小野岑守 永見之第三子仕平城嗟職朝官參議刑部卿弘仁中奉勅撰凌雲集

雜言於神泉苑侍讌賦落花篇應製 以下十三首見凌雲

三陽二月春云半雜樹衆花咲且散鸞駕早來遍歷

覽奇香詭色互留翫昔聞一縣榮河陽今見仙源避

秦漢此時澹蕩吹和風落葉因之滿遠空梅院不掃

寸餘紫桃溪委積盡所紅看落花落花寂寂聽無聲

日本詩紀卷之八

青黃赤白天然染南此東西非有情遊蝶息尋葉初
見群蜂罷釀果纔生待花宴花宴何太合良辰玉管
千調無他曲金壘百味自能醇臺上美人奪花絲攔
中花絲妬美人人花兩兩共相對誰得分明偽與真
借問花節有期否花開花落億萬春首見卷之三十三
小夏日神泉苑釣臺應製
釣臺新結構浮柱出從深水近綸偏盡軒低竿直臨
岸喧瀑布落浦暗摘袖陰自仰中孚化同欣在洛心
日本九月九日侍宴神泉苑各賦一物得秋柳應製

九月高颺吹暮柳千條縮折無復柔寒聲寥亮空雷
笛衰蔭淒涼不障樓短晷晚斜星舍冷邊山晝暗寒
脩哀生雖謝對霜動恩煦之餘未先秋

秋日皇太弟池亭應製賦園字

高秋八月氣將肅敷興幽尋太弟園占地猶居帝城
裏林池體勢絕煩喧梨庭帶冷露果落蘆浦生風水
葉翻憶昔欲論吳季重南皮之賞不足言
奉和觀佳人蹋歌御製
春女春妝言不及無量無數滿華庭心嬌膽小羞踏

步聲裏微微壽千齡洛津迴雪常韜影巫嶺朝雲應
歛行河陽舊縣先凶色金谷新園無復榮泣眼看看
不曾厭徒然奪魂亦損明還知人間仙路近重見桃
李目前生
奉和聖製春女怨
春女怨春日長兮怨復長聞道陽和煦萬物何偏寒
妾一空牀為愁心死君不教緣耻顏消誰假粧慈母
教喻遂相泣伴儔戲慰還共傷強對鏡臺試拂塵影
中唯見憔悴人平生容色不曾似宿昔蛾眉迷自身

春女怨吁嗟薄命良可憐庭前隱映葦青草階上斑
斑點碧錢林暮歸禽入簷噪園囂遊蝶抱花眠幽閨
獨寢花魂壓單枕夢啼粉顏穿君若欲知腸斷處高
樓明月曉孤懸
奉和江亭曉興詩應製
傳舍前長枕江側滔滔流水日夜深本期旅客千里
到不慮驚輿九天臨棹唱全聞邊俗語漁歌半雜上
都音曉猿莫作斷腸叫四海為家帝者心
奉和春日遊獵日暮宿江頭亭子御製

君王獵罷日云暮江上郵亭駐彩輿鑽石山流汲御
井郡客館作重圍雞潮曉落波瀾急蜃氣朝涵瀉
鹵微賈草澤今在否應知天子同載歸
奉和傷右衛大將軍坂宿繻御製
蠡兩蝦夷不息亂羽書刁斗日夜傳此時承命鑿凶
出千里戰場獻捷旋使武當居貳師右論勲須勒衛
昔前豈圖舟壑潛相代知子不知共潛然廐馬長吟
從戀主良弓久橐不復弦柳條還生百中碎伏石猶
雷一發穿馬鬣新封未及燥燕泥舊感欲覺先滋叢

唯泣早朝露古木空浮薄暮煙天子哀傷下神筆悠
悠功德日月懸魂貴儻若無所昧應載殊寵照重泉
賀賜新集兼謝
賀賀庸人識多躋舉言不顧累相隨偏恩哀讚神筆
麗謬失樞機味所宜慎口三緘知先毀悔過駟馬坐
空馳俯焦寒戰未喻極履薄春冰遂謝危誰謂鴻私
典肆肆免于國典被噓吹天門中使賜臨辱秘府新
詩許獨披花徑還開欲落咲柳園尚著爵茂垂一生
非方恩涯久萬死何階報不訾

沙上印佛應製韻賦不詳
擅印一點玉沙上尊容倏忽乎下生四八靈相省工
巧八十妙好廢丹青風來吹拂終填滅誠見應不
久停惟有如如理法體恒然無壞亦無成詰詰斷
遠使邊城王事古來稱無鹽長途馬上歲云闌黃昏極嶂哀猿
叫明發渡頭孤月團旅客斯時邊愁斷誰能坐識行
路難唯餘勅賜裘與帽雪犯風牽不加寒路難唯餘勅賜裘與帽雪犯風牽不加寒
別故人之任贈琴

素琴申舊意塵穢不嫌君單父思良宰武城望雅聞
重財非子好輕贈是君分每對它鄉月須彈慰離群

江樓春望應製以下八首見秀麗

春雨濛濛江樓黑悠悠雲樹盡微茫橋頭孤立一竿
柱湖口競入千許檣麥隴新色荒村綠楓林初葉釣
家香滔滔流水何所似四海朝宗歸聖王

雷別文友

一朝從吏十年許文友存半是新固為同道無新
舊但悲我作萬里人

在邊贈友 離合

班秩邊城久夕來夢帝畿衿沾異縣淚衣緩故鄉闡
弦望年頻改弓鞍力稍非綿綿千里路帛素寄雙飛
奉并掖庭簡摘尚書
朔平門衛不敢入別有殊恩并掖庭美女花簪傳芳
命一言猶是粉骨情
奉和宿舊居之什

君王一去池館廢四海為家感舊來昔從驂駕曳裾
出今配龍輿鏘佩迴簷前枯柳看後樹岸曲長松聽

初裁漢筑 盡况予沛唱復相催

奉和臥病逢重陽節之作

聖躬違和日數回令節重陽倏忽來時菊不知高宴
罷黃花一雨殿前開

奉和聽新鶯

聽新鶯鶯聲新兮人惟舊御柳初暖仰狎 帝梧猶
寒未易就澁音近恩先雜沓弱承煦早羞池小臣授
命戎麾遠萬里沙場欲傷離邊亭節物花鳥異料得
唯聞笛中吹

奉和隴頭秋月明

返覆天驕性元戎馭未安我行都護道經陟隴頭難
水添鼙鼓咽月濕鐵衣寒獨提勅賜劍怒髮屢衝冠
梅花引二首以下八首
水精牕外一株梅擬納芬芳厭砌栽地近恩煦花早
發君王帳裏香風來

歸休獨臥寄高雄寺空海上人

三千千法界一十三生死空色將有無俄頃復忽矣

影花假艷燼風火期滅已寵辱驚難息是非紛易似
聖人獨出鑒獨臥白雲裏忍鎧詎為穿慧刀豈因砥
五明探真密七覽伯神理護或鵝得性依慈鴿知持
垂蘿宜綴衲盤木便馮几野坑醉若茶谿香飽蘭茝
昔余深結義自爾十餘紀真諦憐俗物緇衣交素履
彌天許道安四海慙鑿齒幸遇滄浪清濯纓欣貴仕
榮華尚貪進盈滿未能止恩貸雖曲私庸虛忝揆
勵鉛求一割榮貽思千里日往月還來慎終願如始
歸休樂閑寂在忘躑披帙遊玄妙彈琴翫山

言言陵藪客大隱隱朝市偏將瓊琚報投之以桃李

奉和落梅花

晚樹梅花落輕飛競滿空
牕前將斂素簾下未銷紅
着面催妝婦黏衣助女工
華篇終宴和何獨郢之中

奉和春日作

苦寒輕暮節暖仰初陽
龍鳳長樓影鴛鴦薄瓦霜
應開青柳色陽閉紫梅芳
一聽虞韶美能令三月忘

和藤朝臣春日過前尚書秋公歸病之作

伊人登仕久閑養臥芳春
知足慎玄誠辭盈謝鬼神

貞松百尺節寒竹四時筠
應識千年後獨將疎氏倫

竹樹新栽流水遠引即事
右興直疏得寒字應

製

竹樹新成蔭春光始欲闌
雜花壓欄暖暴水擊梁寒
侍女開扉望親臣卷箔看
非經山河遠即坐得考盤

奉試詠天

列位三光轉因時萬物通
窮陰終謝北陽煦早驚東
就日望唐帝披雲觀樂公
慙乏談天術來班與奪雄

旅行吟

十年戌西東客裏白頭翁來臥無安寢鄉園夜夜夢

菅原清公

古人之子少略涉經史延曆中對策登第除大學少允尋為遣唐判官歷仕平

城嵯峨淳和朝官至大學頭左京大夫所著有菅家集六卷

九月九日侍宴神泉苑各賦一物得秋山以下四首

見夜

三山縹渺滄瀛外五嶽嵯峨赤縣中防露古松千歲

翠待風花葉九秋紅落泉瀑布懸飛鵠暗雨收絲閉

薄虹仁者樂之何所寄國家襟帶在西東

秋夜途中聞笙

皇城陌上槐風肅天漢波間桂月明不知誰家郎第

幾寫鸞模鳳以吹笙金商繞曲秋色亮玉管成文夜

響清王子遇仙何處在洛濱遺態使人驚

冬日汴州上源驛逢雪

雲霞未辭舊梅柳忽逢春不分瓊瑤屑來露旅客巾

越州別勅使王國父還京

我是東蕃客懷恩入聖唐欲歸情未盡別淚濕衣裳

賦得司馬遷

以下七首見秀麗

漢史惟司馬高才為代生龍門初降化禹穴漸研精

續孔春秋發基軒得失明三千猶在眼五百但嫌情
實錄傳無墮洪漪逝不停終令萬祀下長作百王楨
怨婦含情不能寐早朝褰幌出攔楮自言楚國名倡
族家是宮東宋玉鄰獨賴爺孃偏愛重何圖覓者以
為神庭前見舞鸞常顧樓上吹簫鳳未臻四五芳期
當順禮出從君子正為嬪男兒好事方有
年蕩子別來多歲月那堪夜夜掩空扉腰身
屢驗真知瘦眼賸常啼謾似肥合歡寂院寧蠲怒萱

草開堂反召悲可妬桃花徒映靨生憎柳葉尚舒眉
心如煎眼不眠良人不意思歸引賤妾常吟薄命篇
胷上積愁應滿百眼中行淚且成千君不見閨怨
顏華直為思君塞路遐奈何征人大無意一別
十年音信餘桑下受金君豈咎機中織錦詎能嘉羅
帳空角枕凍角枕羅帳恨無窮春死者花泣長安宵
閨理線憶桑乾頽思懶聽門前鵲裏面慙當鏡裏鸞
願君莫學班定遠慙慙徒老白雲端

奉和王昭君

御狄寧無計微軀鎮一方泣隨重塞盡愁向遠天長
隴月分行鏡胡冰凍旅裝誰堪羶帳所永代綺羅房
春風吹物暖朝夕蕩庭梅花點紅羅帳香縈玉鏡臺
榆關消息斷蘭戶歲年催未度征人意空勞錦字迴
奉和侍中翁主挽歌詞
百年嗟易辭過隙幾何時晨晷斜無駐春花落有期
挑踐長掩迹蒿忽里迎輜雖覺生涯理人情尚可悲

鳳掖榮華盡烏書卜兆通向朝傷薤露欲暮泣楊風
漢浦星光缺秦樓月影空定知雲雨貌長絕
賦得絡緯無機織應製
歲暮倡榷冷征夫消息稀思蟲寧有憶誰為織寒衣
細緯元無杼疎經不待機疋成如可惜遠送寄金微
奉和塞上曲
天山秋早雪花開征客心消上苑梅萬里他鄉無與
遙瞻漢月自南來

奉和塞上曲
以下五首
見經國

虜塞草枯膠已寒將軍浴鐵向桑乾龍沙日夜風霜
烈壯士為恩未識難

天山奉和關山月玉容已前上我醉萬里出候無與

關山秋宿月夜冷月彌清影共征輪滿光含旅鏡明

龍城照雲陣雁寒掛星營還入高樓裏空催思婦情

歲去纔移月年光處處賒和風催柳絮殘雪伴梅花

樹暖鶯能語叢芳蝶自奢一馳千里日春思忽紛拏

風林奉和清涼殿畫壁山水歌

丹與青壁下裁成山水形龍嶽危峰將蔽日嵒嶮

澗雁字橫三江森森尋間近五嶽迢迢坐裏生雜花

冬不殫積雪夏猶殘靈禽百貌從心曲異木千名起

筆端飛流前者鵠挂重淵迴處識蛟盤蔭松恰似

八公仙蹲石俄疑四皓賢香飲連猿常接臂加食擔

客長息肩漁人鼓柁滄波裏田父牽犁綠巖趾繞棟

輕雲未曾出窺牕狎鳥經年止遊心自足幽閑趣屬

目元饒智仁理丹青之工有妙巧能令馭興發神衷

奉和聖製江上落花詞

見雜言

奉和

奉和聖製江上落花詞

煙霞四照作春粧野樹山花總是香江風一過吹花
 去片片飄飄落何處津家妖艷蠶未出徒對落花與
 飛絮者落花落花數種色盈繁園圃望無極酷妬樺
 中鉛粉彩擬奪機上霞錦織惜落花雲布星暉麗有
 餘灑落叢薄蝶相伴飛點牕簾人不如年年歲歲花
 如茲者來看去無息時殿覽乘春憐物候群臣仰止
 濟汾詞

淡海福良滿官日向權守

早春田園以下三首見凌雲

寒牖五生花空厨一樽酒已迷帝王力安辨天地久
 四分一頃田門外五株柳差堪助貧興何事貪富有

言志

孤樹輪困久三秋零落期風霜日夜積榮曜待何時
 被譴別豐後藤太守

故鄉何處在天際白雲浮歸雁遙將沒漂查去不畱
 邊聲四面起悲淚數行流今日生死別何年問白頭

月下聽孤雁以下二首見經國

邊亭夜已闌一雁曉聲寒候影霜中沒孤音月下聞

單飛倦避網獨啖怨離群欲傳囀客淚若箇故鄉雲

夕播州高砂湊

夕次高砂浦暗雲暴且寒淒淒抱霜雪夜夜宿波瀾
釣火遙南岸漁歌怨北灣悲腸寸寸斷何日下生還

仲科善雄

其先周人官攝津介

秋夜臥病

見凌雲

臥來頻改歲年去復逢秋照月三更靜無人四壁幽
類形方已劣知命道非優唯有風前樹搖落使人悲
奉和秋夜書懷之

今茲聖主無疆筭始及安仁秋興年感發良宵不寐
久况予聞雁白雲天清風吹起上林樹曉月光流禁
掖前常慶貞松不凋葉誰論蒲柳望秋遷

詠禁苑鷹生雛

見經國

茲禽群鳥俊禁苑數雛生日日雄姿美朝朝猛氣驚
青骸羈絲絆素質狎丹庭願以凌雲翼長翰逐雀誠

高丘茅越

官山城介

三月三日侍宴神泉苑應詔

以下四首見凌雲

我皇微樂事元已宴花林壽爵山符久恩波
謝深

看花前後落聽鳥長短吟既醉仍餘舞何關樹石音
於神泉苑侍花宴賦落花篇應製

落花飛飛去落丹墀本謂隨風落方知被化歸乍往

乍還浮御盃一連一斷點仙衣無心草木猶餘戀况

復微臣醉思華次知錄主日非李美即時蘇產哉

坂上今繼一作經 官左太史

涉信濃坂不即李美即時蘇產哉

積石千重峻危途九折分人迷邊地雪馬躡半天雲

嚴冷花難笑谿深景易曛鄉關何處在客思轉紛紛

詠史

陶潛不狎世州里倦塵埃始覺幽棲好長歌歸去來

琴中唯得趣物外已忘懷柳掩先生宅花薰處士杯

遙尋南岳徑高嘯北牕隈嗟爾千年後遺聲一美哉

和渤海大使見寄之作見秀麗

賓亭寂寞對青□處處登臨旅念悽萬里雲邊辭國

遠三春煙裏望鄉迷長天去雁催歸思幽谷來鶯助

客啼一而相逢如舊識交情自與古人齊

大伴氏上官大 內記

大渤海入朝以下三首
見凌雲

自從明皇御寶曆悠悠渤海再三朝乃知玄德已深
遠歸化純情是最昭汗席聊懸南北吹一舩長冷去
來潮占星水上非無感就日遙思奏我堯

丹墀清貞官播磨
權少祿

奉和御製春朝雨霽應製
雨晴宸眺遠雲罷披彼蒼朝露懸餘滴殘虹卷半規
梅香深淺度柳色短長垂氛靄從斯沒翅心就堯曦

和管祭酒賦朱雀哀柳作

皇城陌上揚將柳兩兩三三夾道斜疇昔榮華都不
見今時憔悴一應嗟寒_□着樹非真葉霏雪封枝是
偽花既就堯衢待恩煦阿誰更憶陶潛家

遊北山寺見秀麗

香剝青巖頂登攀指世情高簷松上出危路竹間行
梵語聞無厭塵心伏不驚寥寥雲樹裏定水晚來聲

桑原宮作官陸奧
少目

伏枕吟以下三首
見凌雲

勞伏枕伏枕不勝思沈疴送歲力盡魂危髻謝蟬兮

垂白衣懸鵲兮化緇悽然感物物是人非撫枕以
 耿耿陟阨陸而依依悵雲花於遽落嗟風樹於俄衰
 池臺漸毀僮僕先離客斷柳門群雀慘書晶蓬室晚
 瑩輝月鑿帷兮影冷風拂牖兮聲悲聽離鴻之曉咽
 覩別鶴之孤飛倒絕兮悽今日淚潺湲兮想昔時榮
 枯但理矣倚伏固須期恃皇天之祐善祈靈藥以何
 為桑原腹赤後改姓都官少內
 皇姓春日過友人山莊探得飛字詩知昔來事跡不

入春今幾日聞道數鶯飛煙泛主人柳花薰客子衣
 野童驅犢去山叟負薪歸何獨漢陰老此間可絕機
 秋日於友人山莊興飲探得簷詩知昔來事跡不
 聞有幽棲地捫蘿試一瞻白雲杯下起黃菊掌中黏
 野近獸馴座林鄰鳥望簷登臨不外俗吏隱兩相兼
 月夜言離以下十首見秀麗
 地勢風牛雖異域天文月兔尚同光思君一似雲間
 影夜夜相隨到遠鄉

和渤海入覲副使公賜對龍顏之作

渤海望無極蒼波路幾千占雲遙驟水就日遠朝天
慶自紫霄降恩將丹化宣以君吳札耳應悅聽薰絃
奉和婕妤怨天衣似雪同衣似雪一似雲間
年色誠難保妾人獨自尤昭陽歌舞盛長信綺羅愁
月向空帷落風經暗葉流銀環終不賜嫡愛永成秋
奉和聽擣衣庭前白雲林下法黃葉聲中
雙雙秋雁數般翔閨妾當驚邊已霜何處擣衣宵達
旦空擣月下萬家場暗中不辨杵低舉枕上唯聞聲
抑揚守夜宮鐘乍相和應通長信復昭陽萬子

仰同尚書良右丞銅雀臺

憶昔妓堂好君情應未闌一朝雄志滅千載爵寒
北上臨風詠西陵向月看漳河與妾淚日夜流無乾
奉和傷野女侍中

思媚一人容髮老掩蔽暮晷不畱年孤墳對月貞女
破閱水咽雲孝子泉柳絮父詞身後在蘭芳婦德世
間傳古來蒿里為誰邑今日松門閉鬼域野暗駢嘶
通白霧山空挽響入黃煙何崇盜樂求仙臺不朽衰
榮降聖篇

奉和故關聽雞

霸道寂來是舊城人雞獨送司晨聲自分陽精應覺
 曉如今不為孟嘗驚
 冷然院各賦一物得瀑布水應製
 兼山傑出院中險一道長泉曳布開驚鶴偏隨飛勢
 至連珠全逐逆流頽巖頭照日猶零雨石上無雲鎮
 聽雷疇昔耳聞今眼見何勞絕粒訪天台
 和野內史留後看殿前梅之作
 夙分為官樹開榮不畏寒向南仙仗
 臨北綵花殘

待蝶香猶富藏鷲影未寬雖知先衆未猶恨後天者

和滋內史秋月歌

鐘鳴漏盡夜行息月照無私幽顯明歷歷衆星皆掩
 輝悠悠萬象不逃形亭亭光自嶺頭來漸入高樓正
 徘徊葉映洞庭波裏水珠盈合浦蚌心胎堯奠莢滿
 自諳曆仙桂花開誰所栽點彩蕭疎楊柳堤凝華遙
 裒白雲倪吳江影下寒鳥宿巫峽光中曉猿啼長信
 深宮圓似扇昭陽秘殿淨如練西園公讌本忘倦北
 地胡人應好戰占募狂夫久從征料知照劍獨橫行

漢邊一雁負書叫外城
 子家擣衣聲月落月昇秋欲
 晚妾人何耐守閨情
 和清涼殿壁畫山水歌
 仙宮粉壁畫師情
 翰絲偏能逐手生
 萬象雖資造化力
 丹青之妙更加精
 名山大水宛然是
 咫尺能分千萬里
 渺渺蓬萊反掌間
 綿綿員嶠寸眸裏
 巨靈顛負躡峰出
 神鰲昂藏背島起
 江漢朝宗入海寬
 長流風拂不動瀾
 玄鶴雲中飛不去
 白鷗水上浴猶乾
 空青淡著春揚暖
 石黛濃施古栢寒
 蜂蝶紛飛寧散聚
 煙

霞澹蕩不復空
 秋花菽浦經年白
 春色桃源度歲紅
 羽客吹笛無韻調
 幽人傾爵未曾醕
 群鶯林裏春不停
 積杏巖間夏仍照
 朝望山夕望水
 山水朝夕在坐邊
 人間氣序幾迴轉
 席上風光無明年
 不學周王勞轍
 遍取於牖戶知普天

山本有詩卷之八
 既要八何州之國宿
 和清源殿之嘉山亦
 山宮物
 辨無印外
 逸入開唐
 新蘇杏菊間
 降客如留與
 寶齋不野
 外林
 欲
 豎
 半
 白
 香
 色
 將
 燕
 美
 類
 味



八

八

